




國家清史編纂委員會·文獻叢刊

清代詩文集彙編

國家清史編纂委員會·文獻叢刊



# 清代詩文集彙編

《清代詩文集彙編》編纂委員會編

上海古籍出版社

清代詩文集彙編 六二六

江上小蓬萊吟舫詩存十八卷江上小蓬萊吟舫詩餘二卷 葉坤厚撰

一

竹如意館遺集十四卷 熊松之撰

五八九



光緒九年歲次癸未季秋之月

江上小蓬萊吟舫詩存

男伯英謹錄於陝西藩署

江上小蓬萊吟舫詩存

序

詩之教溫柔敦厚聖人詔人學詩必極之  
興觀羣怨誠以詩本性情而用意為家要  
意深則詞躋意浮則文散鍾磬所論洵不  
誣也余友 湘筠觀察為 先君子門下  
士以拔萃科出宰吾鄉所至有聲由牧守

序

游擢監司凡見於施為者靡不當於人心  
適於實用於書無所不讀著作等身而尤  
長於詩景之所觸意即隨之意之所注詞  
即赴之雖王事鞅掌不輟於詠庚申歲檢  
匪內訌余奉

命督師河上

公時黃理戎機胸襟開朗

志氣激昂剖決無遺勇於任事暇時以詩  
冊見亦披讀盡卷精神興趣躍々紙上古  
體如游龍天矯不可端倪今體則俊逸清  
新耐人咀味格高而古句峭而奇短幅言  
情長歌寄憤洋々灑々期於達意而止想  
其傳箋刻燭造韻擊壹壹心俯視蘇黃直

序

二

欲追蹤李杜維時慈惠壽諸梨棗 公笑  
而領之軍書旁午未遑也迨檢送平余還  
朝領銓部 公復自汴寄詩相酬答如曩  
時昨有書來京邸謂詩集將付剞劂氏丐  
余一言弁諸篇首余與 公文最久知之  
獨深誼不可辭俟其刊訂藏功將持以告

吾鄉人俾知 公之政事文章同出一原  
苟得其用意所存實符手與觀羣怨之旨  
而有合於溫柔敦厚之教且知本諸性情  
以發為詩歌非風花雪月之詞可比也是  
為序

光緒丙子孟春下澣覃懷世愚弟毛昶熙拜序

序

三



江上小蓬萊吟舫詩存卷之一目錄

古今體詩一百八十五首

題迎江寺

遊地藏菴

宵吟和友人作

道光甲午十二月初五日爲鄧中丞解筠夫子六

十懸弧之節台星耀彩官閣開筵甚盛事也時

蔡廉訪聽濤夫子與中丞同官安徽亦周花甲

僅後四日法以菲材辱兩公知遇因念兩公里

居仕宦事跡多符詩曰維嶽降神生甫及申殆

卷之十目錄

謂是歟爰仿此意恭呈合頌略罄鄙懷用祝純

嘏

漁舟

憶族祖長森公

游葛嶺崖

題方晚岑撫琴圖二首

蔡友石師晉選議尹作此奉餞六首

春游

蟲語

秋夜

江上小蓬萊吟舫詩存

兩弟赴金陵解試將歸

梧桐

九日

桐城道中

有感

送方寶樹游金陵

自桐城赴廬江四鼓卽發時十一月二十三夕也

蕭相國

白雲閣謁呂純陽

山行

卷之一目錄

寄琴仙書來言所如不合詩以慰之

雪後掃墓歸由石門湖至且寄嶺夜宿

葉莘來應禮闈試歌以送之

山居雜咏二首

七夕吟

聞琴

晚泊

春日卽事

觀楊花有感

作詩

春德

展上巳

侍婢

咏柳卽送何秋山于役福州時三月二十八日也

過采石太白樓

讀錢牧齋詩集

消暑

苦吟

早梅次斗樞九弟韻

閱史有作

卷之一目錄

三

與門人陳錫昌泊青谿

古意七首

與崔吉士劉菊裳同過校書桂齡寓所看桃花作

遊武夷

過竹西鐘尋陳仲孚

聞山谷應聲作此遊戲

獨秀峰別墅

雪夜

過故人莊

春起

春遊訪陶隱士

上巳遇雪

旅夜

步顏萍朝韻并寄袁桂山

登鎮遠樓秋望

贈友人

送朱伯言之廣陵

秋節

春陰

和丁香波作

卷之一目錄

四

欲雨

韓莊題壁

春興

登天柱山

閨詞

至友人別墅

讀馬伏波交趾勞官屬書感賦

三十自嘲

余仙巖告病歸里作此送之

郊野間游

過路雲溪別墅因登樓四眺

款春七律四首用查梅史  
饒秋韻

小園

詠竹

閨怨

代內子書家信後

泊銅陵

送周生入粵從軍時聞果勇侯揚芳奉命勦賊

夷喜賦

與客談梓里有感

卷之一目錄

五

過潯陽江

夏晚

宿文殊寺

射蛟臺

清水塘懷余忠宣公

家書

乘輿

出門

嚴子陵釣臺

八雨後道上作

江上小蓬萊吟舫詩存

刀尺吟

上蔡友石夫子

渡擺江磯

從軍行

答李師皋

閒步

冬夜

印蓉齋司馬以絳都懷古詩見寄即次原韻

放歌

王化光同年幽居

卷之一目錄

六

紗帽洲大風開船

登皖城迎江寺浮屠絕頂

中秋感懷

閒步出城至地藏菴小憩

登大觀亭

秋宵

寄內子

上巳

病後見庭花盛開作

落葉

五



金陵秋試後留別謹香各

秦淮雜咏六首

金陵懷古二首

金陵雜咏五首

看內子晨妝作

新竹

曉發李陽河是日宿劉伯磯作二首

過大通遇雨二首

舟泊荻港二首

江行遇雨泊李陽河夜宿二首

卷之一目錄

七

自蕪湖解館歸里

舟中偶作

陳晴嵐刺史招至蕪湖留別內子

別家

與雷宴瓊郝海東少青斗樞兩弟郡城晚眺

贈范藻卿二首

新婢

題錢鐵君老人小像

題美人圖二首

戊戌二月入都應 朝考留別少青斗樞

至德州作

京都題鄉信後

保和殿覆試恭紀

乾清宮引 見恭紀

午門謝 恩恭紀

分發河南出都別各同年三首

入豫界

過黃河

到省

寓中間吟

卷之一目錄

八

寄內

偶成

和鄧嶠筠師秋海棠七律四首用漁洋先生秋柳

韻

舒城道中

十四夜月

鳩江夜泊

江上小蓬萊吟舫詩存卷之一

懷甯 葉坤厚 原名 湘筠

題迎江寺

四面天空闊到來清氣生片雲飛鳥沒初日遠帆明孤塔影沈水曉山光入城老僧閒論茗松下響瓶笙

遊地藏菴

萬松林外寺清磬一聲秋樹色青連郭山光綠到樓草香知麝過泉動見魚游繞檻玲瓏石談經亦點頭

宵吟和友人作

薄涼秋尚嫩天氣夜來清卷幔飛螢入開門宿鳥驚月

卷之一

從山缺起星在樹頭明獨坐添幽思牆陰蟋蟀聲

道光甲午十二月初五日為鄧中丞聯筠夫子六

十懸弧之節台星耀彩官閣開筵甚盛事也時

蔡廉訪聽濤夫子與中丞同官安徽亦周花甲

僅後四日 法 以菲材辱兩公知遇因念兩公里

居仕宦事跡多符詩曰維嶽降神生甫及申殆

謂是歟爰仿此意恭呈合頌略罄鄙懷用祝純

擬詞曰

鍾山之英淮水之靈人文代起焜耀丹青愈出愈奇越倫邁軌竝生兩賢贊翊 天子惟大中丞秉曜含精越

江上小蓬萊吟舫詩存

有廉訪異姓同聲思樂泮水蜚聲最早一采其芹一采

其藻韓潮蘇海宋豔班香互相辨難經筭墨莊太史曾

占德星共聚領袖羣英翺翔雲路既歌鹿鳴復宴瓊林

駢肩接跡先後蓋簪天祿校書石渠論古玉署高寒去

天尺五惟我中丞奉 詔分符先乘五馬來自天衢赫

德積勳履遷要地陳臬開藩迷膺闕寄惟我廉訪廊閣

迴翔展采錯事煥暢典常爰以郎曹備兵廬鳳繼晉提

刑龍山駢矇於時中丞秉節上游廉訪持憲共駐舒州

欽仰中丞文謨武略奉揚 皇仁黎民康樂振興學校

培植人才兼收博採奔走借來廉訪公平宅心惻款善

卷之一

善從長惡惡從短風行雨化歲月寬舒上承壽母八座

起居民感二公如懷明發有脚陽春當頭卿月大江之

南二公故鄉昔有魏國畫錦名堂前歲木天鳳毛繼美

兩處泥金一時報喜今當懸弧花甲周輪先庚後庚維

甫及申同里居住同時誕育德業勳名輝映邦族珂鄉

同宦揚鑣建牙副副公子又託年家福祿駢臻壽考比

稱異哉所聞古未之有傳之樂府譜為聲詩迺潘瑋管

合以頌之

漁舟

晚風蕩漾水紋開網得雙魚換酒回欸乃一聲新月上

蘆花深處刺船來

憶族祖長森公

七歲沈吟學詠詩便蒙遠大預相期余初入學作早梅

極爲贊賞焉家駟千里逢人說猶記摩挲突頂時

游葛嶺崖

蕭風陰風起四邊蒼然鬱結似雲煙一條藤杖堪扶手

六月棉衣忽在有躡足時行泉上石舉頭不見洞中天

擘窠誰勒摩崖字古薜蘿斑滿壁纏

題方晚岑撫琴圖二首

日色澹新秋颯颯風衣冷孤山鶴未還滿地松栝影

卷之一

三

獨抱古琴彈莫惜知音寂甘苦自心明胡必鍾期覓

琴友石師晉遷畿尹作此奉餞六首

屏藩 帝室領諸侯 鳳諾初承擁八騶化走陽春偏

有輝光臨躋月恰當頭稅車貴覆黃公蓋蔀屋溫生白

傳裘就日瞻雲 天最近好宣恩意福 皇州

憶昔文章重上方故鄉持憲里闔光勳名欲上凌煙閣

富貴曾開畫錦堂包老耗無關節到魏公原自寵榮忘

阮江黍庶柑知素清似冰壺凜似霜

六秩華筵記昨開天申景福更恢恢米顛書畫曾名牘

王禘門庭自種槐奉太夫人登八座得賢公子繼三台

定知德懋凝麻厚作頌慚無吐鳳才

品題嗜不願瞻韓封非無遺教育寬愛土深時志士賤

受恩多處報恩難常從馬帳聽絲竹欲向龍門振羽翰

誰似君侯能刮目竟垂青盼到單寒

官箴久懷座旁銘姓氏從知列 御屏 丹詔忽頒

天北關朱簷遙動斗南星鞭常不用蒲懸絲船本無裝

石載青父老攀留未得何時秉節更重經

異命榮膺簡 帝衷漢家京兆秩優崇旌旄所到常持

棒權貴相逢欲避驄功德在人如雨化謳歌是處總雷

同於須藉作和羹手趨入 綸屏贊化工

卷之一

四

春游

輕風細細撲輕塵油碧香車簇新新郎自剛來妾剛去

大家都是看花人

蟲語

豈是中懷有不甘誰憐淒切一聲聲秋心訴盡無人聽

涼夜空階月四更

秋夜

書齋燈影冷蕭蕭小竈烹茶火自燒風雨深宵聽不得

窗前却悔種芭蕉

兩弟赴金陵鄉試將歸

已是重陽過 征人欲到家 可知慈母意 夜夜看燈花

梧桐

亭亭高百尺 翠影落匡牀 疎雨滴清響 微風生晚涼 半  
簾沈夏氣 一葉墜秋光 忽聽琴絲展 蟬聲曳短長

九日

連歲水為災 流離不可狀 十室九成空 不忍登高望

桐城道中

匹馬渡危嶺 秋風起晚涼 雷聲催薄雨 雲氣接殘陽 野  
鳥爭巢急 歸人喚渡忙 遠林遮不斷 山脊下牛羊

有感

卷之十一

五

回首當年境 似虛兒時容易 感居諸至今 夢裏猶思索

半榻青燈讀夜書

送方寶樹遊金陵

半世風塵裏 奔馳倦未休 亂山孤客路 落葉異鄉秋 賞  
識誰青眼 蹉跎白頭 此行應不負 江左有交游

自桐城赴廬江四鼓即發時十一月二十三夕也

征途苦被夜寒催 縱著重裘暖不回 霜印馬蹄穿徑去  
月扶人影過橋來 山村犬吠林猶隔 驛路雞鳴店未開  
却憶風塵勞頓外 有人高臥伴疎梅

蕭相國

江上小蓬萊 吟舫詩存

三傑功名約略同 起家刀筆討尤工 留侯辟穀淮陰醜  
傲倖當年得令終

白雲閣謁呂純陽

黃鶴樓曾記昔經 此間閣亦倚天青 我來得共神仙坐  
不必邯鄲夢已醒

山行

村路彎環石徑斜 秋林缺處見人家 山深八月疑堆雪  
看麥齊開滿地花

舒琴仙書來言所如不合詩以慰之

休從世味問鹹酸 位置權隨所遇安 春到貧家心不曠

卷之十一

六

秋生客被足先寒 人如夜月團圓少 友似浮雲聚會難

奇語伯牙須鄭重 鍾期未遇莫輕彈

雪後掃墓歸由石門湖至且寄嶺夜宿

誰肯衝寒夜尋幽 向此經月明千嶂 雪風定一湖星橋  
斷橫漁艇峯高結草亭 且來僧舍宿 煮茗語燈青

葉莘來應禮闈試歌以送之

裝綿莫裝舊舊綿 不及新綿厚 結交莫結新新交 不及  
舊交真 世人誰識舊交好 富貴易交 偏草草 新交反在  
舊交前 棄舊交如棄舊綿 願君莫道舊交短 舊交情比  
新綿煖

九

山居雜咏三首

陌頭一半草淒迷  
新水當門漲柳隄  
好是日斜春欲晚  
賣花聲過矮牆西

遠嶺千層水一痕  
牧童歸去近黃昏  
笛聲吹起千村暗  
忽有前溪月到門

四圍山水不分層  
月黑星沈露氣凝  
偏是荒村深夜犬  
隔溪遙吠打魚燈

七夕吟

天孫今夜會銀河  
一歲纔能一度過  
寄語癡情小兒女  
神仙也是別離多

卷之一

七

閨怨

春寒睡起自憑樓  
無限離思脈脈愁  
婢子不知心裏事  
笑持妝鏡勸梳頭

晚泊

孤舟不見人飛鴻  
去一一秋色滿漁罾  
空江澹斜日

春日即事

日高風定樹陰圓  
白晝初長正午天  
蝴蝶也如人意嫩  
嫩紅枝上抱花眠

觀楊花有感

雪影漫天仰面驚  
東風擡舉太分明  
須知風力有時盡

莫便輕狂過一生

作詩

推敲費盡苦思多  
得句驚人拍案歌  
却笑小鬟聽慣熟  
背人又手學吟哦

春怨

爲嫌風雨妒春光  
特遣奚奴護海棠  
却不隄防雙乳燕  
暗銜花蕊過鄰牆

展上巳

兩回修禊宴游酣  
又見人來院水南  
風信已過番廿四  
月支剛遇閏重三  
紅黏玉砌花銜燕  
綠泛銀匙豆煮蠶

卷之一

八

春事今年逢百二  
莫教容易逝征驂

侍婢

小小身材窄窄肩  
性情溫婉態翩翩  
看將作字先調墨  
知要吟詩替展箋  
醉後欲眠卿且去  
病餘相見我猶憐  
布衣稱體隨時著  
一樣宜人在深娟

咏柳卽送何秋山于役福州時三月二十八日也

欲借長條繫畫輪  
垂楊無語暗傷神  
留春不住春將去  
那有閒情管別人

過采石太白樓

當年牛渚寄情深  
勝跡猶留我輩臨  
上有先生真鑒在



好詩須向此間吟

讀錢牧齋詩集

豎壇牛耳獨稱雄  
江左才人拜下風  
論定千秋應自恨  
姓名不入別裁中

消暑

拄杖常餘買酒錢  
荷花亭畔竹林邊  
好將枕簟同攜去  
何處涼多便欲眠

苦吟

未安一字費磨研  
想入非非亦可憐  
小婢轉身私笑我  
隔簾偷學聳雙肩

卷之九

早梅次斗樞九弟韻

綺春消息洩窗前  
亭館朝陽得氣偏  
萬樹種環三徑外  
一枝開向百花先  
月臨小院蟾初滿  
雪在高林鶴尚眠  
負手巡簷方索笑  
有人詩思正流連

閩史有作

若謂神仙在世中  
既已求方士胡為誅  
少翁若謂神仙  
在世外既已誅少翁  
胡又封樂大藥大旋  
封旋復死輾轉無憑  
漢天子世上豈有真  
神仙直至臨終方爽  
然嗟乎何至臨終始  
爽然

與門人陳錫昌泊青谿

江上小蓬萊吟舫詩存

雲氣黑無邊  
江天一望連  
關津三日雨  
師弟兩人驄  
雪捲濤疑立  
風高岸欲旋  
鄰舟無一事  
閒坐說當年

古意七首

鴻濛未闢前  
混沌池無形  
器何處有  
洪鑪鈞陶乃  
造意本是一元  
生判然分爲  
二清光浮爲  
天渣滓沈爲  
地鍊就方圓  
形經營良不  
易不識鼓鑄  
時伊誰司厥  
事

天地何以成  
無非氣榮惹  
一息氣不生  
天地亦成假  
人在天地中  
是氣包含者  
地氣升而上  
天氣降而下  
二氣相盪摩  
人受氣陶治  
譬如魚在水  
問魚不知也  
有人以治明  
有神以治幽  
幽明兩條路  
各不相爲謀  
輪

卷之十

遁說一與禍  
福生計較死  
後罪孽多誰  
敢與鬼拗借  
此揚惡頑當  
頭婢震擗地  
獄十八層大  
呼驚夢覺提  
人警懼心亦  
頗有功效先  
民常有言神  
道以設教

人皆父母生  
父母養其幼  
襁褓不離身  
何分夜與晝  
飲食兼教誨  
急急心孔疚  
待其長大特  
親已年高候  
娶婦望成家  
從此生疑竇  
穠有德色箕  
帚亦許詬房  
中樂

未央堂上雙  
眉顰顰反其  
慈羊乳跪相  
就奈何颯然  
人乃不如禽  
獸轉瞬復生  
兒滴滴承簷  
溜兄弟本同  
胞生小常隨  
肩嗜欲日以  
開友愛情變  
遷各自立門  
戶爭競生宅  
田久之如路  
人痛癢不相  
顧

水分流豈再歸原泉樹枝同根生枝斷不復連縫布足  
心傷恣其亦腸斷花萼有高樓我思唐幄煖風雨共淋  
眠我愁姜被短

治民如治家作官如作母可憐億萬人望此為霖手民  
最有天良惟在官好醜但能不受錢已得其八九稍稍  
勤民事感激不絕口何況真愛慈誰不獻羔酒俗吏那  
得知營營專利藪疾苦漠不關聞之掩耳走遂覺教養  
事只有古來有

卷之一

七

骨堅受切磋瓦碎因擊搏火烈多炙傷木直被刻削石  
且焚作灰鐵乃銷於錯在玉亦可攻在金亦可鑠所以  
遇剛強勝之以柔弱舌以柔而存齒以剛而落君子思  
保身慎勿昧所託

與崔吉士劉菊裳同過校書桂諭寓所看桃花作  
無言相對倍低徊管領春風綽約開依舊去年人面在  
不教崔護負重來  
煙霞占斷渡頭春莫怪漁郎屢問津好是天台舊雞犬  
也應識得姓劉人

遊武夷

留我仙鄉住山中七日春歸來情自怯恐換世間人

過竹西鋪尋陳仲手

花片初飛柳絮疎當門流水故人居一雙鴻鴻開情甚  
並立沙灘看釣魚

聞山谷應聲作此游戲

絕頂試一呼答響滿空山谷山靈學我聲相應亦何速懸  
崖一萬重奇峰三十六我歌山亦歌我讀山亦讀我笑  
山亦笑我哭山亦哭我口始一開我聲遂相逐化爲千  
百聲聲聲似我熟我欲尋山靈山靈驚避伏松風起吹  
衣自顧一身獨

獨秀峰別墅

久從大海識迷津台向林泉老此身嫻放雙眸看俗客  
閒輪十指數行人好山相對常含笑野鳥無名自喚春  
多少道旁車馬過勞勞何處息風塵

卷之二

七

雪夜

雪飛風愈勁寒極竟難勝酒興看霜劍詩心問夜燈飯  
裘溫向火舊被冷如冰破曉推窗望銀花樹幾層

過故人莊

結茅依峻嶺傍曉起松濤地靜詩情淡天寒酒價高呼  
奴煨首薪課子讀離騷足了一生事浮名物外逃

春起

鶯聲催睡醒早起捲珠簾曉色微雲幕春寒細雨添阮

深花信瑞泥潤草痕纖閱倚欄于立還思夜夢甜

春遊訪陶隱士

韶光最好是村墟桃杏花開二月餘官道沙平人試馬  
春湖水滿鸞窺魚疎籬繡雨抽新筍小擔斜陽賣野蔬  
處士蓬廬何處結門前五柳識幽居

上巳遇雪

故人相約踏芳華風雪飄飄阻隸車春到今年寒太甚  
汴城三月未看花

旅夜

天涯魚雁久銷沈始信家書抵萬金霜拆敲殘孤館夢

卷之十

五

風鈴搖碎故鄉心更長似聞愁鼓枕夜冷如冰靜抱衾  
小灶留燈猶未滅幾回坐起撫瑤琴

步顏萍朝韻并寄袁桂山

欲暖寒猶勒春光兩不嫌呼晴鳩繞屋避雨雀爭簷草  
色裙腰染苔痕展齒黏金鈴風外絮因為護花嚴

登鎮遠樓秋望

去歲曾游處重來又一年殘霞帶飛鳥落日亂鳴蟬一  
水碧無地四山青入天誰家數聲笛林暮起炊煙

贈友人

比鄰晨夕共盤桓筆硯交深十載歡隔屋我常聞嘯咏

對人君轉諱飢寒科名到手談何易文字昂頭賣更難  
聞道五陵年少客驅驅裘馬徧長安

送朱伯言之廣陵

江頭送客葉扁舟把盞尊前話別愁細雨一天如密線  
春寒三月尚重裘疎鐘幾處煙中寺長笛誰家水上樓  
明日東風挂帆去相思遙望白蘋洲

秋館

蟋蟀吟秋館空庭欲二更茶煙風乍靜竹露月初明一  
榻坐花影亂山圍水聲夜涼人不寐孤鶴伴淒清

春陰

卷之十一

四

峭寒猶未脫羊裘城郭陰陰任倚樓千里湖山通草夢  
一春風雨替花愁水含薄暝迷沙嘴天墮濃雲壓樹頭  
又是清明時節近深林處處聽啼鳩

和丁香波作

寒意初輕暖意賒撩人情緒是韶華觸簾飛燕動鉤影  
負水游魚吹浪花菜圃疎煙含嫩甲茶村細雨摘新芽  
聽鶯莫誤攜柑約繞郭垂楊萬樹遮

欲雨

欲雨未成雨濃陰四面環天光低接水雲氣遠吞山濤  
疎聞猿嘯林昏誤鳥還不知何處寺鐘警有無聞

韓莊題壁

春光牽惹故鄉情，細雨斜風出汴城。聊折花枝簪短鬢，客中也算過清明。

春興

困人天氣最難當，春日遲遲白晝長。垂柳隔牆常借蔭，新篁繞屋漸成行。臨溪投釣見身影，帶露攀花覺手香。蝴蝶一雙飛不去，輕梳款款撲迴廊。

登天柱山

萬丈峰無極，高凌玉宇寒。滿天星斗近，不敢仰頭看。

閨詞

卷之一

註

珠簾迤邐捲晨暉，十二闌干繞四圍。病起却看花滿地，不知春是幾時歸。

至友人別墅

自向山林養銳根，圖書滿架酒盈尊。近來不管人間事，強為看花一出門。

讀馮伏波交趾勞官屬書感賦

款段輕車得自由，善人鄉里姓名留。莫當跼蹐飛鳶墮，始憶生平馬少游。

三十自嘯

心境懸同不繫舟，夕陽西去水東流。往年親舊多分手，

後輩兒孫漸出頭。半世未能成一事，及身如此況千秋。高堂幸有慈親健，却為開顏獻酒籌。

余仙巖告病歸里作此送之

廿載風塵見吏才，宦途閱歷志全灰。詩書自理舊生活，松菊相邀歸去來。半畝儘容高士臥，一樽時為故人開。閒雲已有還山樂，莫任天風又引回。仙巖猶有將來起病之意故云

郊野閒游

亂山高下抱村莊，古木森森壓短牆。幾百畝田秧水綠，二三里路菜花黃。山人補屋防春雨，漁父收罾曬夕陽。最是白雲深處好，依斜酒旆出林塘。

卷之一

共

過路雲溪別墅因登樓四眺

十畝田園五畝宮，青山遙映水澄空。當階竹影穿窗綠，對岸芙蓉隔浦紅。遠雁疑塵飛碧落，亂帆如葉下秋風。濃陰不辨歸來路，半是煙籠半月籠。

款春七律四首

用查梅史錢秋韻

容易年華等逝波，東風瞥眼又輕過。也知無計留鄉住，未免多情奈我何。別緒尙思將柳繫，詩腸強半為花磨。願從青帝殷勤囑，挽取韶光肯負他。

湘簾捲起認離顏，綠舫紅橋水一灣。遠恨欲牽行客路，新詞齊唱念家山。清樽且自翻金縷，羌笛休教怨玉關。